

۱ اپریل

۱۳۴۱

# تورک تاریخ انجمنی

اؤن یئنجی سنه  
نومرو ۱۱ (۸۸)

مجموعه سی

---

## سلطان آلتونباش

آنادولوده سلجوك اوغلارينك صوك حكمدارى سلطان غياثالدين مسعودثانى بن كيكاسو بن كيخسرو بن كيقباد بن كيخسرو بن قليج آرسلان بن مسعود اول بن قليج آرسلان بن سليمان بن قوتلش بن آرسلان بن سلجوك ايدى . ايكنجى سلطان مسعود ، ( ۶۸۱ ) سنهسنده سرير سلطنته كچدى . بر طرفدن موغول ناظرينك ، ديكر طرفدن ياباجى بكلك تضييقاته دايانامادى . اوز تورك بكارييله تشريك مساعى ايمكه چاليشدى . بونك ايچون دفعاتله خلع و حبس ونفى واجلاس ايدلى . صوكنده مفلوجا ( ۷۰۴ ) سنهسنده وفات ايتدى . ( بايزيد كتيبخانه عموميسنده يازمه جامع الدول ، ج ۱ ، ص ۱۱۸۹ و ۱۱۹۵ )

سلطان مسعودك ( غازى چلبى ) ديمكه مشهور بر شهزادهسى اولدينى تاريخاً معلوم ايسده ديكر اولادى اولدينى يقيناً بيله ميورز . غازى چلبى ، هر حالده بر اسم اولمقدن زياته بر لقب اولمليدر . بوشهزاده نك آدى ( آلتونباش ) اولدينى ، كنديسنك تنظيم ايتدرديكى وقفهسى عنوانى ده ( غازى چلبى ) اولدينى حوضه قضااسنده كى شهرتى كوسترمكده در .

غازى چلبى ، پدري نك وفاتندن صوكره موغول حكمدارى ( سلطان محمد اولجايتو خان ) طرفندن آماسيه جوارنده كاش ( سيمره ) حكومته نصب ايدنش ، يعنى سيمره وحواليسنه حكمدار اولمشدى . نشانچى زاده قدسى محمد افندى ، نور عثمانيه كتيبخانهسنده ( ۳۴۱۷ ) نومروده مقيد اولان ( مرأت كائنات ) آدى اثرنده ديوركه :

« فصل تاسع عشر در احوال غازى چلبى بن سلطان مسعود رحمه الله عليه تاريخ منلا ادريسده سلطان علاءالدين اسير اولدوقده سلطان غازان خان سيمره و سينوب و قسطنطينيه شهرلرني قراسى ايلي و صاروخان ايلي حدودينه وارنجكه احقر ممالك ديار رومدر (؟! ) اوجاقلق طريقيه سلطنت نامى ايله غازى چلبى به

• ویروب سائر بلاد سلجوقیہ یی غازان خان ضبط ایتدی (۱) .  
 • مزبور غازی چلبی مملکتی تنک اولمغین اسب شوکتی لنگ اولوب عسکر  
 دمبدم متفرق ولباس سلطنتی متمزق اولمغه بشلیوب آباواجدادینک خدام واسرایی  
 اکثر ممالک رومه تغلب ایدوب قوت سلطنت سلجوقیان انقراض و پایان بولوب  
 بقیه نسللری دولت آل عثمان اوائلنده کمال ضعف اوزره ختام اولوب مرور ایام  
 ایله زائل وبالسکیه مضمحل اولدی . (ج ۱ ص ۳۷۰)

لاکن غازی چلبینک وسائر شهزادگان سلجوقک کندیلرینه توجیه ایدیلن  
 حکومتلری پک صوری ایدی . نه غازی چلبی ده ، نه دیگر لرنده نفوذ و اقتدار  
 یوقدی . چونکه سلطان (علاءالدین کیقباد) بن فرامرز بن کیکاوس ایله سلطان  
 (غیاثالدین کیخسرو) بن قلیچ آرسلان رابعک و سلطان مسعودک دیگر برادرلری  
 (کیومرث ، قلیچ آرسلان) آدی شهزاده لک اولادی بلاد متفرقه ده بولونیورلردی .  
 حال بوکه آنادولوی پک فنا تضییق و تاراج ایدن موغول و تانار بککریله عناصر  
 اجنبیه دن یابانچی بککری ، سلجوقک شهزاده لرینک موجودیتلری بیله زائد و مضر  
 کورمکده ایدیلر . چونکه کندیلرینک مظالم جبارانه سندن بونالمش اولان تورک لک  
 قیام ایده جککری ، شهزاده لکده تورک لری قیامه تشویق ایتدکری ظن  
 ایدیورلردی .

بوندن دولایی (۷۱۶) سنه سنده جلوس ایدن سلطان ابو سعید بهادر خان  
 بن محمد اولجایتونک قولاغنی برطاقم اراجیف واکاذیب ایله دولدوردیلر . آنادولوده  
 شهزاده لک وضعیتلری تهلکلی کوستردیلر . ابو سعید خانده بویوک اتابک و سر  
 عسکری اولان امیر چوبانک اوغلو (تمرتاش = میور طاش) بکی آنادولو ناملری  
 ووالیسی تعیین ایدوب کوندردی .

میور طاش نک ، ۷۱۸ سنه سنده آنادولویه کلیر کلر سلجوقک سلاله سندن

(۱) سلطان محمود غازان خان : ۷۰۳ شوالنده وفات ایتدیکی جامع الدولک وسائر  
 تواریخ مشهوره نک ضبطندن وعقدالمانک تصریحندن نمایان اولدیغی اوزره سیمیره حکومتی ،  
 غازان خان طرفندن (۶۹۹) سنه سنده ابتدا سلطان مسعوده توجیه ایدلمش و (۷۰۴)  
 سنه سنده وفات ایتدیکنه بناءً (سلطان محمد اولجایتو خان) طرفندن مخدومی غازی چلبی به  
 ویرلمش اولدیغی آکلاشیلیر .

برحیات اولانلرینی تخری ایدوب چوققلریله برابر قتل عام ایتدی . شهزاده لردن بعضلری داغله ، صارپ یرله قاجوب جانلرینی قورتارمغه چالیشدیله . تورك بکلرینک لطف حمایتلرینه التجا و دخالت ایتدیله . ایشته بو قاپانلردن بری ده سلطان ( تاج الدین آلتونباش ) بن سلطان مسعه د ثانی ایدی .

منجم باشی احمد افندی ( جامع الدول ) آدی اثر مذکورنده نقل ایدیورکه عیناً ترجمه سی شو در : « امیر چوبان اوغلو تمر تاش ، سلطان ابوسعید خان طرفندن بلاد رومه والی اولوب ( ۷۱۸ ) سنه سنده کادکده سلجوقیلرک بقیه اولادینی تخری ایدرک بولدقلرینی چوققلریله برابر آجیقلی بر صورتده اولدوردی . اولاد سلجوقیه دن بعضلری داغله ، صارپ یرله قاجوب قرمان اوغللرینه التجا و دخالت ایتدیله . قرمان اوغللری سلطنت قازانماق ایچون بونلرک قیزلرینی تزوج ایتدیله . سوکره غدر ایدوب ارککلرینی کسه رک اصول نسیه لرینی محو و افنا ایلدیلر » ( ج ۱ ص ۱۱۹۵ ) .

والی تیمور طاش بکک شدتلی تخریاتنه ، اولانجه نفوذ واستبدادینه رغماً سلطان ( تاج الدین التونباش ) ک شو بادرده ن تخلیص حیات ایتسی ، ایکی شیئه حمل اولانه بیلیر . برنجیسی قریم وقبچاق حکمداری جنکیز خان احفادنن برکه خان بن جوجی خانک کریمه سی اولان ( اوربای خاتون ) ک طورونی ، حتی پک محتملدرکه والده سی و زوجه سی موغول امراسندن برر کیمسه نک قیزلری اولماسندن نائل تصاحب اولمشدر .

ایکنجیسی آماسیه نک خالص تورك بکلری طرفندن بیلرجه اخفا ایدیلرک ۷۲۷ سنه سنده تیمور طاشک فرارندن سوکرا میدانه چیقاییلمشدر . شو ایکی احتمالک هر ایکسی ده شهزاده مشارالیه ک تخلیص حیات ایتمه سنده عامل اولایلیر . هر نه صورتله اولورسه اولسون مشارالیه ک ( ۷۴۰ ) تاریخی وقیه سی بادره قتل آمدن جاتی قورتارمش و ( ۷۵۶ ) تاریخی ایکی قطعه وقیه سی ده ( ۷۵۶ ) سنه سنه قدر یاشامش اولدیغنی کوسترمکده در .

بو وقیه لرک مندرجاتندن آکلاشیلیرکه آماسیه حکومتی ، غازی چلی دیمکله مشهور اولان سلطان التونباشه مدار معیشت اولماق اوزرد حوضه ایله کده غره ، یعنی کوپری قضاری آراسنده واقع وقف ایتدیکی کویلری و چفتلکلی تخصیص

ايمش ، سلطان التوباش ده پدريك مدفون اولدینی سيمره قصبه سنده او طور مش ، اولاد و انقادى اولمشدر .

۷۵۶ سنه سنده وفاتى آ كلاشيلان سلطان التوباشك تاريخ تولد و مولدى وزده مدفون اولدینی تماميه آ كلاشلامدى . بونلرى بيلدیره جك بر وثيقه يه ده تصادف ايديلهمدى . انجاق عاجزلى و ثائق نارينه آراديم ائشاده حوضه اشرفندن حاجى محمود اغا زاده بايرام افدينك خانه سنده بو وقفيه ترك اصلارنى مطالعه و تدقيق ايتدم . اورالده ( غازى چلبى ) ديه مشهور اولان بوشه زاده نك مدفنى ، حوضه نك غرب طرفنده كوپرى يه كيدن يول اوزرنده حوضه يه برساعت قدر ياقين ( شيخ صاوجى ) قريه سنده اولدینی خبر آلدیم . اورايه كيتدم .

مذكور كويك جامى جوارنده يدى متره قدر طولى ، دورت متره قدر عرضى اولان اوستى آچيق ، سطحى زميندن بر متره قدر يوكسك ، اطرافى طاشلرله اورولو بر حظيره يى ( غازى چلبى تره سى ) ديه كوسترديلر . حوضه نك اسبق مفتيسى مرحوم ( عمر نجانى آفندى ) ده ياننده بولونيوردى . قبرك باش طرفنده بر بوجوق متره قدر اوزون ، قرق سائيم قدر آكلى ، قالين ، شكلا مربع بر طاش ديكيلىدى . نه بو طاشك اوزرنده ، نه ده حظيره نك هيچ بر طرفنده مع التأسف بر كتابه اثرى كوره مدم .

او طرف خلقنك اراسنده بوراسى ( غازى چلبى بن سلطان مسعود ) ك قبرى والتوباش بن سلطان مسعوده ( غازى چلبى ) ديمش اولدینی اوتهدن برى مشهور و متواتردر . غازى چلبى بن سلطان مسعودك سينوبدهده بر قبرى اولدینی روايت ايدلمكدهدر . بونلرك ايكي سى ده بر ذات اولدینی آ كلامدى : سلطان التوباشك اولادى آماسيه امير كبرى قوتلو بك زاده سيف الدين شادكلى پادشاهك حميه سنده اولدقلى آ كلاشيلر .

چونكه تاج الدين التوباشك اولادى آماسيه حواليسنده مسعودانه ياشامشدرى . بونلردن حاكم سيواس اولان ( سلطان ركن الدين قيليچ ارسلان ) ي شادكلى پادشاهك نه قدر حميه ايتديكى تاريخ سيواس اولان ( بزم و رزم ) ده بر تفصيل مذكوردر . كذلك املاك سلجوقيه دن اولان آماسيه ده كى يوقارى و اشاغى حاملرله آلاجه و كوپرى حاملرينك شادكلى پادشاهه و بوندن اولادينه ارثاً انتقال

ایتدیکی ده شاد کلدینک قیز اولادندن اولان (بایزید پاشا) بن یخشی بکک ۸۲۰ تاریخلی وقفیه سندده مندرجدر .

قیود وقفیه اداره سندده سلطان التونباشک اوقافی ، سلطان مسعودک تربه سی، اوقافی دیه قید و اولادندن ایکی یوزاللی سنه لک متولیرلی ده متسلسلاً ضبط و تنبیت ایدلمشدر . بو وقفک عنوانی شویله در : « وقف مالکانه قریه هاء قوجاجق اوغلانی و تاقفی و آی طوغدی عن وقف تربه سلطان مسعود در ناحیه سمره لادیق درلواء آماسیه و نصف مالکانه قریه تاتار عن وقف تربه اوربای خاتون والده سلطان مسعود در سمره لادیق » (اماسیه محاسبه دفتری صحیفه ۱۴۵) .

شو عنوان وقف کوستریورکه آماسیه سنجاغنده سمره لادیق دینمش اولان سمره ناحیه سندده کائن سلطان مسعودک تربه سنه قوجاجق اوغلانی ، تاقفی ، آی طوغدی قریه لری و والده سی اوربای خاتونک تربه سنه ده تاتار قریه سنک نصفی بوجه مالکانه وقف و تخصیص ایدلمشدر . بوندن آ کلاشیلیرکه سلجوک دولتک صوک حکمداری اولان ایکنجی سلطان مسعود ، والده سی ( اوربای خاتون بنت برکه خان ) ایله سیمره ناحیه سندده مدفوندر .

کذلک تاج الدین التونباشک تربه سی وقفی ده زاویه شیخ صاوجی و تاج الدین وقفی دیه قید ایدلمشدر . بونک عنوانی ده شویله در : « وقف زاویه شیخ صاوجی قریه امورک و تاج الدین مالکانه شیخ صاوجی در سمره لادیق تابع قضاء حوصه » (اماسیه محاسبه دفتری ص ۵۲۴) . بوندن آ کلاشیلیرکه تاج الدین التونباش ، شیخ صاوجی به سنا ایلدیکی زاویه سنه امورک قریه سنی و کندی مرقدینه ده شیخ صاوجی قریه سنی وقف و تخصیص ایتمشدر .

شیخ صاوجی ، شیخ سعد الدین صاوجی چلبی در . تاج الدین التونباشک مرقدی و زاویه سی بو قریه ده اولدینی دلالت ایدیورکه بو قریه مومی الیه شیخ سعد الدین صاوجی چلبینک اقامتدن دولای ( شیخ صاوجی قریه سی ) دینمشدر . شیمدی بوکون شیخ سعدی قریه سی، دینمکده درکه شیخ صاوجی دیمکدر . کَرَک بو زاویه و تاج الدین وقفک دلالت سلطان مسعود و اوربای خاتون تربه لری وقفک تولیتی نوحیداً اسکیدن بری بر سلاله یه توجیه ایدیله کیش ، بو سلاله یه ده اولاد واقف دینمشدر .

تاج الدين التونباشك برنجى و قفيه سى و خطوط قضائى شودر :  
 مافى مطاوى هذه الوقفية الشرعية ثابت عندى بانها مفخر قضاة المسلمين وسيد  
 ولاة الموحدين مولانا ولى الدين بن عبده احسن الله تعالى ثوباته و امضيته امضاء  
 شرعياً حرره عبدالرحمن بن محمد المصلحى القاضى باماسيه عفى عنه فى سنة احدى  
 واربعين وثمانائة

لما عرض على هذه الوقفية ثابت مضمونها على وجه الخصم بشهادة من فيه قبلته  
 و امضيته تابعاً للشرع القويم و الامر العالى و انا اضعف العباد ولى بن عبده المولى  
 بقضاء كده غره مفتش الاوقاف فى الاعمال عفى عنهما العافى

لما عرض هذه الوقفية ادعى حسن فقيه بن دره بك على ان القرية قوناج و قرية  
 قباقلى وقف ليس ملك و اقام الينة عندى على وجه الخصم من عدول المسلمين  
 و هما الشيخ يونس بن حسين و كوسه ولى بن بايزيد و هما شهداء و هذا الوقف وقف  
 صحيح من وقف التونباش الى يومنا هذا حكمت بشهادتهما على صحة الوقف انا  
 امضيته و انا الفقير محمود بن مسعود المولى بقضاء اماسيه

صح عندى بجميع ما قدر فى هذه الوقفية تقبل الله تعالى من الواقف العلى الشان  
 اعز الدولة و الدين مفخر الملوك و السلاطين التون باش و انى حكمت بصحتها و صحة  
 شروطها و قيودها و انا الفقير عمر بن محمد القاضى باماسيه عفى عنهما العافى  
 الحمد لله الذى خلق السموات و الارض و ما بينهما و ما تحت الثرى و الحمد لله الذى

خلق الانسان من نطقة امشاج و امرهم ان يعبدوا الله و يوحدوه ما قال و ما خلقت الجن  
 و الانس الا ليعبدون و قال و افعلوا الخير لعلكم تفلحون و قال رسول الله صلى الله عليه  
 و سلم اذا مات ابن آدم انقطع عمله الا عن ثلث علم ينتفع به و ولد صالح يدعو له  
 و صدقة جارية . ان الدنيا موطن غرور لا موطن سرور نعيمها ظل زائل و مقيمها  
 ضيف راحل . و قال عليه السلام الصدقة تطفى غضب الرب . و لما و فواله سيد .  
 الملوك و السلاطين الصدر الاعلى و القدوة المعلى تاج الدولة و الدين التون باش بن السلطان  
 مسعود ادام الله معاليه علم ان ما اكله الانسان فقد افناه و ما لبسه فقد ابلاه و ما تصدق  
 به فقد ابقاه و اراد تابعاً و مطيعاً لا امر الله تعالى الى ادخار الخيرات و انصاف البرات انه  
 وقف و حبس و سبل بنية خالصة تقرباً الى الله و ابتغاء مرضاته و هرباً من عذابه .  
 الاليم و طلباً لثوابه الكريم ما ذكر انه له و فى ملكه و تحت تصرفه الى صدور

هذا الوقف منه وذلك جميع القرية المدعوة كوسرف وستة قطعة من الارض الصالحة مع الحدود في هذه القرية المذكورة في ديوان فارس وجميع النصف الشايح من القرية المدعوة قباقلي وجميع القرية المدعوة قوناج في ديوان اميرداد من اعمال سمره . المستغنيات عن التحديد والتعريف في مكانها وعدم التماسها من خالص امواله واطيب املاكة في حال حياته وصحته ونفاذ تصرفاته ابدالله تعالى تلك الخيرات الجارية و اراد هذا الوائف ان وقف من حاصل المبلغ من هؤلاء المذكورات لاولاده تابعاً لامرالله تعالى للذكر مثل حظ الانثيين نسلاً بعد نسل ولا يدخل اولاد البنات اذا كانوا من ذوى الارحام اصلاً ويتصرف اولاد الذكور حصة ابيهم وان مات احدهم وترك ابناً واحداً او صاعداً يتصرفون حصة ابيهم ولا يمنعهم الاعمام من حصة ابيهم وان مات الاعمام وترك الاولاد فيكون معهم في درجة واحدة يتصرفون المبلغ على السوية ولا يخلفون هذه الصنوف وجهاً من الوجوه وذلك وفقاً صحيحاً صريحاً وحسباً شرعياً قوياً مؤيداً بخلاف الابحاح ولا يوجب ولا يوجب ولا يورث بوجه من الوجوه وبسبب من الاسباب ولا يحل لاحد يؤمن بالله واليوم الاخر لا يأتي عليه زمان الا احكمه ولا يحدد عليه او ان الابرمة لا يغير قواعده ولا يبديل موارده ومن بدله بعد ماسمعه فانما اثمه على الدين يبدلونه ان الله سميع عليم وعليه لعنة الله والملائكة والناس اجمعين واجرا الواقف على الله تعالى فيما امرالله تعالى ان الله لا يضيع اجر المحسنين وقال انما يوفى الصابرون اجرهم بغير حساب واكد الواقف العالى المحسن المكمل صاحب السعادة ان يحفظ هذا الوقف كما يحفظون دينهم وروحهم وان يضيع او يبده انا خصمه في يوم القيمة بين يدي الرحمن واوصى لكل حاكم ان لا يقطع ولا يمنع خيراتى لرضاء الله تعالى وعزته وشفاعة نبيه محمد عليه الصلاة والسلام . ولما اراد الواقف الوقفية المباركة هذه ليكون وقفية شرعية لاولاده المذكور وانى حاكم في زمانى ونافذ حكمى كتبت وحكمت بصحة هذه الوقفية وكتبت شهود الجماعة المسلمين والحاضرين وذلك في اواخر الشوال سنة اربعين وسبعمائة

## شهود الحال

محمود بن موسى . سليمان بن اسماعيل . عيسى بك بن سليمان بك . ادريس بن امير . شيخ يوسف بن ولي . صالح بن يونس بك . حاجى موسى بن يعقوب حاجى . خضر بن الياس . احمد بن محمود . طاشان بن امير . موسى بن جارالله . مؤمن بن اجايتو . زكريا بن امير . حسن بن محمد . عثمان بن عبدالرحمن . وغيرهم من الحاضرين .



بو و قهیه نك عیناً ترجمه سی شودر :

کوکلری ویری ، بونلرک آرازلنده ویر آلتنده اولان شیلری یاراتان ، انسانلری قاریشیق و بولانیق بر صودن وجوده کتیرن ، کندیسنی ( وما خلقت الجن والانس الایعبدون ) بو یوردینی کبی بیلوب توحید ایتملرینی انسانلره امر ایدن تا کری تعالی حضرتنینه حد اولسون که مطلوبکزه ایرمکزی ایسترسه کز اییلک ایدیکز بو یوردی . پیغمبریمزده بو یوردی که آدم اوغلو اولدکده هر دورلو عملنک ثوابی کسلیلر انجاق اوچ عملندن ، فائده سی کورولن علمی اثرندن ، کندیسنی خیر ایله یاد ایدن اینی چوجوغندن ، خیری دائم اولان صدقه سندن دولانی ثوابی کسلیمز . دنیا ، انسانی آلداتاجق بر مسکندر . سویندیره جک بریر دکلدیر . دیراکه ، کچیجی کولکبه ، مقیمی ده کیدیجی الکینه ( مسافره ) بکزر . پیغمبریمز بو یوردی که صدقه ، تا کری غضبنی سوندورور .

بناءً علیه پادشاهلرک و سلطانلرک اولوسی ، صدر اعلی ، مقتدای معظم ، تاج الدوله والدين التون باش بن مسعود - تا کری تعالی اولولغنی دائم ایتسین - نائل توفیق الهی اولارق بیلدی که انسان یدیکنی بیتریر ، کیدیکنی اسکیتیر ، ویردیکنی طور دیریر . تا کرینک امرینه تبعیت واقیاد ایدره ک خیراتی زاد آخرت اتخاد و حسناتی ادامه ایتمسینی اراده ایتمکله کندیسندن بووقفک صدورینه دکن تحت تصرفنده ملک و حق اولان سمره مضافاتندن فارس دیواننده کائن کوسرف قریه سنک تمامی بو قریه داخلنده کائن آلتی قطعهدن عبارت چفتاک اراضیسینی وامیر داد دیواننده شهرته بناءً تحدید و تعریفدن مستغنی اولان قیاقلی قریه سنک نصفی و قوناج قریه سنک تمامی بوتون حدودیله برابر خالص اموالندن و اطیب املا کندن افراز ایدوب تا کری تعالی یه تقرب ، رضاسنی تحصیل ، عذاب الیمندن فرار ، ثواب کریمی طلب ایتمک نیت صادقه سیله حال حیات و صحتنده و هر دورلو تصرفاتنک نافذ اولدینی برزمانده وقف و حبس و تسبیل ایتدی . جناب حق تعالی شو خیراتی دائم وابدی قیلسین .

واقف مشار الیه ینه اراده ایدوب شو موقوفات مذ کوره سنک بالغ اولان حاصلات ، ( لذلکر مثل حظ الانثین ) امر الهیسی موجبجه نسلاً بعد نسل اولادینه وقف و تخصیص ایلدی . قیزلرک اولادی ، ذوی الارحام اولدقلریمچون ،

کندی اولادی عدادینه اصلا داخل اولامازلر . اولاد ذکور ، پدرلرینک حصهسنه تصرف ایدرلر . اولاد ذکوردن بری وفات ایدوب بر اوغلنی ، یاخود فضلهسنی بیراقیرسه بیراقدینی اولادی پدرلرینک حصهسنه تصرف ایدرلر . عموجهلری ، بونلری کندی پدرلرینک حصهسندن منع ایده مزلر . عموجهلری وفات ایدرسه قالان اولادی بونلرله برابر بر درجهده صایلیرلر . حاصلات بالغهیه متساویاً تصرف ایدرلر . بو صنفلر ، بروجله کری قالمازلر .

شو املا کی بو شرائط اوزره وقف صحیح صریح وحبس شرعی قوی ایله مؤبدلاً و مغلداً وقف وحبس ایتدیکنه بناءً وجوه واسباب دنیوبه دن هیچ بوجه و سببله صاتیلاماز ، کیمسه یه هبه و تمویض ایدیله مز ، میراثه کیره مز . اللهمک برلکنه و یوم آخرته ایمان ایدن هیچ بر کیمسه ایچرن حلال اولماز . بو وقفک اوزرندن کچن هر زمان ، انجاق آنی تحکیم و تأیید ، تجدد ایدن هر آن انجق آنی تقویه و تخذید ایدر . شرائطی تغیر و مشروط لهلری تبدیل ایدیله مز . بونی ایشیتدکن صوکرک تبدیل تغیر ایدنک و بالی ، تبدیل و تغیر ایدنلره راجعدر . الله تعالی محقق ایشیدیر و بیلیر . تا کرینک ، ملکک ، بوتون انسانلرک لغتی ، تبدیل و تغیر ایدنلره اولسون . واقفیه تا کری تعالی ( ان الله لایضیع اجر المحسنین ) و ( انما یوفی الصابرون اجرهم بغير حساب ) وعد وامری موجبجه مأجور و مثاب ایتسین . صاحب سعادت عالی مکان ، احسانی درجه کاله ایرمش اولان واقف مشار بالبنان سه تا کیداً بیان ایلدی که بو وقفی ، دین و حیاتلری کی حفظ و صیانت ایدرلر . تبدیل و اضاعه ایدنک خصمی قیامت کوننده رحمان اولان تا کری حضورنده بن اولاجم . هر حاکمهده وصیت ایتدی که الله تعالی حضرتلرینک رضا و عزتی ، پیغمبری محمد علیه السلامک شفاعتی عشقنه خیراتی منع و قطع ایتیه .

واقف مشار الیه ، شو وقفیه مبارکه سنک اولاد ذکورینه مخصوص بر وقفیه شرعیه اولماسی اراده ایتدیکندن بن ، زمانده حکمی ناند ر حاکم صفتیه شو وقفیه نک صحتنه یدییوز قرق سنه سی شوالنک صوکرنده حکم ایدوب جماعت مسلمیندن اشبو حکمه شاهد و حاضر اولانلری یازدم .

بونلردہ یوقاریدہ آدلری یازیلان شاهدلردر .

شو فقیرہ حکمیہ ، بو وقیئہ سلطانیہ نك همان اوستندہ امضاسی یازیلان امامیہ قاضیسی خلاطی زاده مولانا عمادالدین عمر بن مولانا شمس الدین محمد کدر . واقف مشارالیه کدر . بو ذاتک امضاسی ده شایان دقتدر . ترجمہ سی عیناً شودر : شان و شرفی یوکک ، دین بدرتک اولوسی ، یادشاهنرک و سلطاننرک دکرلیسی اولان واقف مشارالیه التون باشک شو وقیئہ سنندہ مندرج بالجله تقریرلری حضورمدہ ثابت و صحیح اولدیغنه بناءً وقیئہ نك و شروط و قیودینک محنتنه حکم ایتدم . فقیرده امامیہ قاضیسی عمر بن محمد .

سلطان تاج الدین التون باش غازی چلینک شو برنجی وقیئہ سی ، تاریخاً بک قیمتدار بر وثیقه شرعیہ و معتبردر . بو وثیقه تاریخیه کوستریورک و واقف مشارالیه التون باش ، ۱۴۰ سنه سنندہ امامیہ و حوالیسنه اراده سی شامل اولان سیمره حکمداری ، یعنی امامیہ بکلرینک حکم و نفوذینی تمثیل ایدن رئیس جمہوری ایدی . بو وقیئہ نك شاهدلری ده بک شایان دقت اولان امامیہ رجالندندرلر . بونلردن محمود بن موسی — کبار علمادن مولانا نظام الدین محمود بن مولانا مصلح الدین موسی السیواسی در . امامیہ قاضیلری اولان مصلحی زاده لر ، مصلح الدین موسانک اولادیدر .

سلیمان بن اسماعیل — امامیہ ده مسعودیہ تکیہ سی شیخی اولان شیخ المشایخ مولانا سعد الدین سلیمان بن اسماعیل الوفاؤی در . مولانا جمال الدین ابراهیم اقرائی یرینه کلش فاضل ، نافذ الکلم بر ذات ایدی .

عیسی بک بن سلیمان بک — چلبی سلطان محمدک وزیر اعظمی اولان امامیہ لی بایزید پاشا بن یحیی بکک جدیدر . یحیی بک بن عیسی بک ، بیلدیرم سلطان بایزیدک امراسندن اولوب والدہ سی کل چیچک خاتونک ۸۰۱ تاریخلی وقیئہ سی دیلندہ شاهدلردندر .

ادریس بن امیر — مشهور طاشان بکک بویوک برادری اولوب کوپری جوارندہ زیتون قضا سنک امیریدر . مخدوملری (محمد و مراد) بکلر ، مراد بک زاده زینل ، بونک مخدومی زکریا بکلردر .

شیخ یوسف بن ولی — باوز دده دیمکله مشهور امامیہ مولویخانہ سی شیخی

اولان مولانا الشیخ جمال الدین یوسف بن الشیخ ولی الدین احمد المولودیز. شیخ مشهور مولانا حسام الدین حسن بن علی المولوی الاماسی بونک خلیفدر .  
صالح بن یونس بک -- اعیان تجار دن مشهور کوموشلی زاده خواجه صالح چلبی در .

حاجی موسی بن یعقوب حاجی -- امامسیه امیر کبیری ارلان طور ومطای زاده مشهور بکدر بکی ( زین الدین یعقوب شاه رومی ) دینیلن یعقوب حاجی بکک مخدومی حاجی موسی بکدر . ( مجمع الانساب ) آدلی کتابده بونلره ( اولاد ترمناز ) دینشدر که ترمناز ( طور ومطای ) اوغللری دیمکدر .

اماسیه دن موغول نفوذینی ومظالمنی دفع ورفع ایدهرک سلطان آلتونباشی سریر سلطنته چقاران ، امامسیه ده بر امارت جمهوریه تشکیل ایدن طور ومطای اوغلو امیر کبیر حاجی زین الدین یعقوب شاه بکدر . بونک تفصیل احوالی ( امامسیه تاریخی ) نک اوچنچی جلدنده یازیلیدر .

حضر بن الیاس -- بابا الیاس خراسانی اولادندن وشمس الدین محمود طغرانی احقادندن شجاع الدین الیاس بک بن الحاج نوروز بک بن شمس الدین محمود طغرانی مخدومی خیر الدین حضر بکدر . بونک عمزاده سی ارتنا بک زاده محمد بکک وزیر اولان امیر مشهور علاء الدین علی بک بن نور الدین قوتلو بک بن الحاج نوروز بکدر .

احمد بن محمود -- امامسیه امیری کوموشلی زاده مشهور تاج الدین محمود چلبی مخدومی شمس الدین احمد چلبی در .

طاشان بن امیر -- سلطان آلتون باشک اتا بکی اولان ( امیر ، امور ) بکک مخدومی ویوقاریده بکن ادریس بکک اور تانجه قارداشیدر . آلتونباشک وفاتندن صوکر ا کده غره ( کوپری ) ، مرزیفون ، زیتون وحوالیسنه استیلا ایدن بودر . کوپری وحوضه قضالریله مرزیفون تضاسی آراسنده کائن مشهور ( طاشان طاغی ) بونک آدینی طاشیمقده در . طاشان اوغللری نک احوال تاریخیه سی امامسه تاریخنده مفصلدر .

موسی بن جارالله -- مشاهیر کتابدن وعلما وخطاطیندن مشهور الحاج جارالله بن شعبیک مخدومی موسی چلبی در .

مؤمن بن اجايو — اماسيهده بورمه مناره جامى اوكنده تربسى اولان اولاد هلا كودن مشهور (جودار نويين) بن يشمت بن هلاكو خانك ارغلو اجايو سلطان زاده (مؤمن باي) در . بوكا (عبدالؤمن باي) ده ديشدر . اجايو سلطان ، توركلر آراسنده (اجه سلطان) ديمكه مشهور اولوب واراى قصبه سنده زاويهسى وحواليسنده چقلنكى واردر . ياوز سلطان سليم وقانونى سلطان سليمان دورلرنده اماسيه حواليسنده قيام وعصيان ايدن مشهور (ذواتون سلطان) بن خليل بك بن قباد بلك جد اعلا سيدر .

زكريا بن امير — ادريس و طاشان بلكرك كوچوك برادري زكريا بك در . كوپرى قزاسنك شرق طرفلرينه و حوضه قزاسنه تغلب ايدن بر امير ايدى . برك مخدومى (امور بك) بك مشهور در .

حسن بن محمد — كبار علمادن مولانا صدرالدين محمد بن اخى حسن الحجازى مخدومى مولانا عزالدين حسن چلبى در . طيب مشهور لقمانك اقر باسند در .

عثمان بن عبدالرحمن — اماسيه قاضيلرندن مولانا امين الدين محمد بن عبدالوهاب بن التبريزى حفيدى مولانا صلاح الدين عثمان بن عبدالرحمن بن مولانا امين الدين محمد در .

شايان دقدركه بوزمانك اعظم امرا وكبراسندن اماسيه بلكر بكيمى حاشى يعقوب شاه بك ، امير مصلح الدين قوتلو شاه بك ، خلفت زاده امير شجاع الدين سليمان شاه بك ، حتى كنج امرادن قوتلو شاه زاده مشهور سيف الدين شاه كلدى پادشاه بر حيات اولدقلى حالده سلطان التونباشك و قيه سنه شاهد و حاضر اواش دكلدر . حال بوكه بونلرك هر برى صره سيه اماسيهده ( بلكر بكي ، امير كبير ) اولمشردى .

ايشته بونلرك اسبابى ، امارتلى تاج الدين التونباشك اسباب سلطنى ، صوكره قضاء وقاتى ، درجه نفوذ و حكومتى ، آنادولو تاريخى نقطه نظرندن طبع و نشرى بك مهم و الزم اولان اماسيه تاريخنك اوچنچى جلدنده تفصيلاتيله يازيليدر . اماسيه نارينخك بوجلدى باصليبرسه سكرنجى عصر هجرى ده آنادولونك احزال تاريخيه سنى آكلابايلمك ايچون نه بويوك و مهم امبلكر صرف ايتديكم تقدير ايديلير اميدنده يم .

سلطان تاج الدين التونباش بن مسعود ملحونينك  
البلنجي وقفيسي

ما في مطاوى هذه الوقفية الشرعية ثابت بانها مفخر القضاة المسلمين وسيد  
ولاية الموحدين مولانا ولي الدين بن عبدالله اسبغ الله تعالى ثوابه وامضيته امضاء  
شرعياً حرره عبدالرحمن بن محمد المصلحي القاضي باماسيه عني عنه في سنة احدى  
واربعين وثمانائة

لما عرض على هذه الوقفية ثبت مضمونها على وجه الحصر بشهادة من فيه قبلته  
وامضيته تابعاً للشرع القويم والامر العالي وانا اضف العباد ولي بن عبدالله المولوي  
بقضاء كده غره مفتش الاوقاف في الأعمال عني عنهما العافي

لما عرض على هذه الوقفية ادعى حسن فقيه بن دره بك على ان القرية قوناج وقرية  
قباقر (١) ملكي ليس وقف واقام البينة عبد الملك على وجه الحصر من عدول المسلمين  
وها شيخ يونس بن حسين وكوسه ولي بن بايزيد وها شهدا (٠) وهذه الوقف  
وقف صحيح من وقف اتون باش الى يومنا هذا حكمت بشهادتهما على صحة الوقف  
انا امضيته وانا الفقير محمد بن مسعود المولى بقضاء اماسيه

صح عندي بجميع ما حرر في هذه الوقفية تقبل الله تعالى من الواقف على الشان  
واعز الدولة والدين مفخر الملوك والسلاطين التون باش واني حكمت بصحة شروطها  
وقيودها وانا الفقير عمر بن محمد القاضي باماسيه عني عنهما العافي

ديباجه سي برنجي وقفيه سنك عيندر . سلطان مشار اليك اسمى يرنده « ولما  
وقول الله تعالى لسيد الملوك والسلاطين صدر الاعلى قدوة المولى تاج الدولة والدين التون  
باش بن السلطان مسعود ادام الله معاليه « ديدكن صوركا وقف اينديكي قريه لرى  
بيان يرنده « وذلك جميع القرية المدعوة ياغجي وستة قطعة من الارض الصالحة مع  
الحدود في هذه القرية المذكورة في ديوان فارس وجميع النصف الشايح من القرية  
المسورة قباقر وجميع القرية المدعوة قوناج ، دييور ورنجى وقفيه سنده مذكور  
اولان شرائط وقفيه عينا تكرر ايدييور . بالكيز تاريخ يرنده « وذلك حرر في

(١) بوقريه نك آدى (قباقر) در ، هر حاله باكليش اوقونمش اولميدر .

واخر سوال المبارك سنة ست وخسين وسبعمائة « يازيلور . وعين شهودك اسملى  
مسطور بولونبور .

سلطان التون باش طرفندن تنظيم ايديلن پدى  
سلطان مسعودك وقفهسى بالاسنده

ولما عرض على هذه الوقية قبلتها وحكمت بصحتها وانا الحقير حسن بن حسين  
المولى باماسيه

لما عرض على هذه الوقية ثبت مضمونها على وجه الخصم بشهادة مافيه وقاته  
وامضيته تابعا للتسرع التقوم بالامر العالى وانا الحقير محمد بن محمد المولى بقضاء كده  
غره مفتشا بالامر العالى عفى عنهما

ثبت مضمون هذه الوقية بشهادة عبدالله (.) وحجرة بن محمود وحكمت بصحتها  
وانا الحقير رجب بن افشار المولى خلافة (.) مفتشا بالامر الخاقانى

صح عندى بجميع ماحزر فى هذه الوقية وانى حكمت بصحتها وصحة شروطها  
وقيودها واشهدت على ذلك من عدول المسلمين ووضعت عليه امضائى وانا الحقير  
محمود بن محمد المولى بمحروسة اماسيه

وقية السلطان المعظم المكرم مسعود بن كيكوس المغفور المرحوم نورالله قبره

الحمد لله العلى العظيم اللهم اهدنا الصراط المستقيم وجنبنا عن الباطل الذمى  
والصلاة على محمد المنعوت بالحاق العظيم المبعوث لاقامة (.) التويم وعلى اله واصحابه  
المبشرين الى جنات النعيم اما بعد فان الدنيا دار غرور وترح لا دار سرور وفرح  
نعيمها ظل زائل ومقيمها ضيف راحل حلاوتها مشهبة بالسم وافراحها مقرونة  
بالهم . والوقف حسنة تدوم (.) فانها الى انقطاع الزمان وتجارة تظهر ربها ليوم  
القارعة فى الميزان فطوبى لمن يدوم لهذا اليوم عملاً صالحاً ليراه يوم ينظر المرأ ما قدمت  
يداه فلما تفكر السعيد الشهيد (.) فى قول سيد المرسلين عليه افضل الصلوات واكمل  
التحيات اذامات ابن آدم انقطع عمله الا عن ثلث علم ينتفع به وولد صالح يدعوله  
وصدقة جارية وفى قول الملك ذى الجلال والاکرام ما عندكم ينفذ وما عند الله باق ولما  
وفق الله سبحانه وتعالى صاحب السعادات السلطان المذكور (.) حتى علم انما اكله

الانسان فقد افناه وبالبسد فقد ابلاه وما تصدق فقد ابقاه فلما اراد ان يثاب عندالله تعالى وقف وحبس وسبل بنية خالصة وطوية صافية تقربا الى الله تعالى وابتغاء لمرضاة الله وطلباً لثوابه الكريم وهرباً من عذابه الاليم ماهوله وملكه وحقه فيما (٠) تحت تصرفه الى حين صدور هذا الوقف منه وذلك جميع القرية المدعوة تافى وجميع القرية المدعوة قوجه اوغلى (١) في ديوان اميرداد من اعمال سسرة المستغنيات من التحديد والتعريف في حال حياته وصحة عقله وبدنه ونفاذ تصرفاته وشرط الواقف المذكور لولاده ان يتصرف (٠) جميعاً في كل سنة وفي كل وقت الحصاد من حاصل الغلّة من هؤلاء القرى يأخذ لنفسه (٠) في جهة القرابة بعد اخذ العشر من هذه الغلّة توليته ولا يدخل الاجنبي بوجه من الوجوه والباقي (٠) اربعة اسهم الى اربعة نفر من علماء الصالحين الذين يواظبون على تربة المرحوم ويقرؤون من القرآن كل واحد منهم في كل يوم الجمعة جزء ولا يتركون تربته ولا يخالفون الشروط ابداناً (٠) ويهدون ثواب القرآن الى روح الواقف المرحوم المغفور المولى المذكور (٠) من هؤلاء القراء المذكورة (٠) لاولاده واولاد اولاده وان سفل وفقاً صحيحاً شرعياً وحبساً مرعياً بحيث لا يباع ولا يوهب ولا يرهن ولا يورث ولا يملك بوجه من الوجوه وسبب من الاسباب ولا يحل لاحد يؤمن بالله واليوم الآخر ان لا (٠) يخالف في هذه الشروط بعد ماسمع (٠) فعليه غضب الله ورسوله وكل حاكم اذا نظر هذه الوقفية يحكم بصحته ثواب الرضاء الله تعالى ولشفاعة رسوله واجر الواقف على الله تعالى فيما امره وكتبت هذه الوقفية صحيحة على منوال ذلك الموصوف وانا الفقير محمود بن محمد المولى بمحرسة امامسيه مع مضافات امير داد من اعمال السمرى نافذ الحكم جائز الامر والرسم واشهدت من جماعة المسلمين وحرر ذلك في اواخر شوال المبارك سنة ست وخمسين وسبعمائة

## شهود الحال

محمود بن مصلى الحافظ شهد بمافيه عبدالله (٠) شهد بمافيه خليل (٠)  
 شهد بمافيه خضر (٠) شهد بمافيه الشيخ احمد بن موسى شهد بمافيه سليمان بن احمد  
 شهد بمافيه يونس بن ولى. شهد بمافيه يوسف بن احمد وغيرهم من الجماعة الحاضرين.

(٢) بوقريه (قوجه اوغلان ، اوغلن) اوليدر .



## ابلىخى رفقينك رىظروط نرجمه سى

شوووقفيه نك مندرجاته عائد اولان حكم شرعى اهل اسلام قاضينرينك مفخرى و اهل توحيد واليرينك اولوسى مولاناولى الدين بن عبداللهك انها واشعاريله ثابتدره . بنده شرعاً امضامى وضع ايلدم بونى امامسيه قاضيسى عبدالرحمن بن محمد مصلحى ۸۴۱ ده يازدى .

بووقفيه بكا عرض اولندوقده مضمونى خصم شرعى مواجهه سنده ثبوت مضموننده حاضر اولانلرك شهادتيله ثابت اولدى . بنده شرع متينه وامر على به تبعيت ايدهرك قبول و امضا ايتدم . بن ، قوللرك اك عاجزى كده غره قضااسنه نئاب و ملحقانى اوقافنه مفتش اولان ولى بن عبداللهم .

بووقفيه بكا عرض اولندوقده حسن فقيه بن دره بك قوناج قريه سيبه قباقر قريه سى كنديسنك ملكى اولوب وقف اولماديغنى دعواوعبدالملك ده خصمك يوزينه قارشى بينه اولماق اوزره عدول مسلميندن شيخ يونس بن حسين ايله كوسه ولى بن يازيدى اقامه ايدوب آنلرده شوقريه لر بوكونمزده قدر آلتون باشك وقف صحیحى اولديغنه شهادت ايتدكلرينه بناء بووقفك سحنته حكم و امضا ايتدم بن فقير امامسيه قضااسنه نئاب محمد بن مسعودم .

بووقفيه ده يازيلانلرك مجموعى ، وقفك واقف عالیشانى ، دين و دولتك اعزواكرمى ، پادشاهلرك و سلطانلرك مدار افتخارى آلتون باشدن زدمده صادر و صحیح اولديغنه بناء وقفك و شرائط بقیودينك سحنته حكم ايتدم . بن فقير امامسيه قاضيسى عمر بن محمدم .

« تاكرى تعالى حضرتلرينك توفيقات الهيه سنه مظهر اولان سيد ملوك و سلاطين ، صدر اعلى ، مقتداى معلى ، تاج الدوله والدين آلتون باش بن سلطان مسعود » « فارس ديواننده ياغجى ديمكه مشهور قريه نك تمامنى بو قريه نك حدوديله برابر آلتى قطعه اراضيسى ، قباقر ديمكه مشهور قريه نك نصفى ، قوناج ديمكه مشهور قريه نك تمامنى » « ۷۵۶ سنه سى شوانلك اواخرنده وقف وثبيت ايتدى ، ديمك اولور .

اوچنجی و قفیه سی شایان دقتدر . بو و قفیه یی بن مطالعه ایتدم . و قفیه ، پک بیرائمش اولدیغندن خیلی یرلری او قوناماز بر حاله کلشدر . ایچنده قرائت ایدنلرک خطاسی ده یوق دکلدر . بونک ایچون او قوناماش و خطالی یرلینه برر معترضه وضعیله اشارت ایتدم . بو اوچنجی و قفیه ، ترتیبندن معلوم اولدیغی اوزره سلطان مسعودک وفاتندن اول . کندی تره سینه وقف ایتدیکی قریه لری و تقریر ایتدیکی شرائطی غدومی سلطان آلتون باش (۷۵۶) سنه سنده وفاتندن اول حضور حاکمه تقریر و شهود ایله اثبات ایدهرک تنظیم ایتشدر .

### اوقوناباش اوچنجی و قفیه نیک و شرط قضا نیک ترجمه سی

بو و قفیه بکا عرض اولندوقده قبول و سخته حکم ایتدم بن فقیر امامیه ناچی حسن بن حسینم .

بو و قفیه بکا عرض اولندوقده مضمونی خصم شرعی مواجهه سنده شهادتله ثابت اولدیغنه بناءً شرع متینه و امر عالی به تبعیت ایدهرک قبول و امضا ایتدم بن فقیر کده عمره قضا سنک ناچی و امر عالی ایله مفتش محمود بن محمد .

بو و قفیه نیک مضمونی عبدالله (۰) و حمزه بن محمودک شهادتله ثابت اولدیغنه بناءً سخته حکم ایتدم . بن فقیر ( . ) ناچی و امر خاقانی ایله مفتش اوقافی رجب بن افشارم .

بو و قفیه مندرجاتنک مجموعی زدمده صحیح و ثابت اولوب و قفیه نیک و شروط و قیودینک سخته حکم و عدول مسلمیندن خیلی ذواتی حکمه اشهاد ایدهرک امضای وضع ایتدم . بن فقیر محروسه امامیه ناچی محمود بن محمد .

سلطان معظم مکرم مسعود بن کیکاوسک و قفیه سنک صورت مترجمه سی :  
بوجه و اولو تا کریمزه حمدوشنا ایدهرز یارب بزی دوغرو یوله سوق ایت ، حقیر و باطل شیردن قاییر . بویوک خصلت و فضیلتله موصوف ، دین متینک اقامه سنه مأمور اولان محمد علیه السلامه و جنات نعیم مبشرلری اولان آل و اصحابنه تقدیم تمنیات ایدرز . بعددا

دنیا ، برغمخانه غرورددر . نعمخانه سرور دکلدر . نعمتی زائل اولان کولکده ،

اقامت ايده نى ده يولجى مسافره بگزىر . حلاوتى زهر ايله بولاشيق ، ذوق و صفاسى غملىره ياناشيق در . وقف ايسه بر ايلكدر كه ( . ) زمانك صوكنه قدر دوام ايدر . بر تجار تدر كه نفعى قيامت كوني ميزانده ظهور ايل . مزدملر اولسون او كيمسه يه كه بو كوني كورمك ايچون حقه يارار عمللر ياپار . اوكون مر كس دنيا ده ياپديغى عمللرينه باقار .

وقتا كه سعيد شهيد ( وقفيه بالاسنده : معظم و مكرم اولان سلطان مسعود بن كيكاس مرحوم نورالله قبره اولاجقدر ) انبانك اولوسى اولان نبي ذیشانك « اذلمات ابن آدم انقطع عمله الا عن ثلث علم يتنفع به و ولد صالح يدعو له و صدقة جارية ، و مالك عز و جلال اولان پادشاه لا يزالك » ما عندكم ينقد و ما عند الله باق » بويوردقلىنى دوشوندى ( . )

وقتا كه سعادتلى صاحبي اولان سلطان مذكور ( بوراده سلطان تاج الدين التون باشك آدن اوله جقدر ) تا كرى تعالى حضر تنزيهك توفيقات الهيه سنه مظهر اولدى ( . ) حتى بيلدى كه انسان ، يدكلىنى تو كه تير ، كيدكلىنى اسكتير ، تصدق ايتديكىنى ابقا ايتمش اولور . نزد الوهينده نائل مكافات اولماسنى اراده ايدوب بر نيت صادقه و طويت صافيه ايله جناب حقه تقرب ، رضاي الهيسى طلب و عذاب اليندن اجتناب ايچون حال حياتنده عقل و بدنى صحيح و تصرفاتى نافذ اولديغى بر زمانده بو وقتك صدورينه دكين تصرفى آلتنده ملكى و حقى اولان سمره اعماله ن اميرداد ناحيه سنده تحديد و تعريفدن مستغنى تافى قريه سى ديمكله مشهور قريه سيله قوجه اوغلى ديمكله مشهور قريه سنك تمامنى وقف و حبس ايدوب شويله شرط ايتدى كه اولادى ( . ) بو موقوفاتك مجموعنه تصرف ايدوب هر سنه حصاد موسنده محصولاتى جمع ( . ) و حصه توليت اولارق عشرينى آلدقن صوكر ا ( . ) قرابته طائد اولانى ده كنديسىچون آلا . هيچ بر وجهه اجنبى داخل اوليه ( . ) باقى قالان دورت سهى ده مرحومك تربيه سنه مواظبت و هر جمعه كوني هر برى قرآن كريمدن برر جزؤ تلاوت ايدن علماي صلحادن دورت نفر كيمسه يه ويريله آنلرده تربيه سنى ترك و شرائطه اصلا مخالفت ايتيله ر خم ( . ) قرآن كريمك ثوابى واقف مرحوم مغفورك روحنه هبه ايدملر . قرأى مذكورهدن

عالم مذکور ( . ) بطنا بند بطن اولادینه و اولاد اولادینه ( . ) وقف صحیح شرعی وحبس مرعی ایله وقف ایتدی . شوبله که بو موقوفات هیچ برسبیله ساتیلاماز . هبه و ترهین ایدیله من . میراثه داخل اولاماز . تملک و تملیک اولوناماز . اللهه و یوم آخرته ایمان ایدن هیچ بر فرده بوشرائطی ایشیتدکن صوراً ( . ) مخالفت حلال اولماز ( . ) اللهک و رسول اللهک غضب ولعتی اکا اولسون . بو وقفیه نظر ایدن هر حاکم الله رضاسیچون و رسول اللهک شفاعت ایتسیچون بو وقفک صحنه حکم ایده . تا کری تعالی نک امرینه امتثال ایدن واقفک اجر و مکافاتیه ده تا کری تعالی ویره . بو وقفیه حکم نافذ ، امر ونهم جائز اولدینی بر حال وزمانده بومنوال موصوف اوزره یدیوز الی آلتی سنه سی شوال مبارکنک اواخرنده بن یازدم وجماعت مسلمیندن حاضر اولانلری اشهاد ایتدم بن فقیر سمری ملحقانندن امیرداد توابعیله برابر محرر سة اماسیه ناچی محمود بن محمد ، شاهد و حاضر اولانلر وقفیه اصلیه ذیلنده یوقاریده اسملری یازیلان ذواتدر . شو اوچ وقفیه دن هر بری آکلانیوزکه سلاطین سلجوقیه نک صوکی اولان سلطان غیاث الدین مسعود بن عزالدین کیکاوسک سلطان تاج الدین التونباش آدلی بر شهزاده سی وارد . کذلک « الصدر الاعلی ، القدوة المعبی ، اعز الدولة والدين » صفتلری ده کوستریبورکه بو سلطان آتونباش اماسیه ولایتده . نول حکمداری سلطان ابوسعید بهادر خانک ( ۷۳۶ ) سنه سنده وفاتندن صوکارا بر حرمت مخصوصه کورمشدر .

اوجنچی وقفیه ده « صاحب السعادات السلطان المذکور » عباره سی ده دلالت ایدیورکه سلطان مسعودک بو وقفیه سنی ( ۷۵۶ ) سنه سی شوالنده بر حیات اولان مخدومی ( تاج الدین التونباش ) تنظیم ایتدیرمش و ( سلطان ) عنوانیه مشهور و متعارف اولمشدی . شو حالده ( ۷۳۶ ) تاریخندن ( ۷۵۶ ) سنه سی شوالته قدر سلطان التونباش سلجوقی ، اماسیه وحوالیسنده صوری بر عنوان سلطته ایرمش ، نفوذ و حکومت تمامیه اماسیه امراسنه منحصر قالمش دینه بیلیر .

شایان دقتدرکه ۷۵۶ سنه سی شوالنک اواخرنده سلطان التونباشک ایکنجی یقیه سنه حکم ایدن اماسیه قاضیسی عمر بن محمد ، یعنی قاضی القضاة عماد الدین عمر بن القاضی شمس الدین محمد الخلاطی اولدینی حالده عین تاریخده سلطان

التونباشک پدری سلطان مسعودہ عائد و ققیہ سنہ حکم ایڈن اماسیہ ناہی محمود بن محمد ، یعنی قاضی عمادک برادری و خلفی اولان نظام الدین محمود بن محمد الخلاطی اولمشدر . بونلرک اماسیہ دہ تربہ سی و کتابہ لری واردر .

چونکہ بوزماندہ اماسیہ امیر کبیری بولونان ( مصلح الدین قوتلوبک ) له شہود آراسندہ آدی « شہد بماقیہ خلیل » دیہ مذکور اولوب پدری ( قتلو ) نک آدی او قویامدقلری امیر مشہور ( زین الدین خلیل بک ) بن امیر نورالدین قوتلو بک اراسندہ برجال عظیم واردی . بو خلیل بک سلطان ارتنا بک زادہ ناصرالدین محمد بک وزیر مشہوری بابا الیاس خراسانی اولادندن و شمس الدین محمود طغرائی احفادنن اماسیہ لی ( علاء الدین علیشاہ ) ک کوچوک برادری ایدی .

اماسیہ دہ اوزمانلردہ ایکی غروب وار ایدی . برنجی غروب امیر کبیر قوتلوبک طرفدارانی ایدی . اماسیہ خاندان علماسندن اماسیہ قاضیسی عمادالدین عمر و خاندانی افرادی بو غروب دن ایدی . ایکنجی غروب بابا زادہ الحاج خیرالدین خلیل بک طرفدارانی ایدی . اماسیہ خاندان علماسندن مفتی مشہور ( مصلح الدین موسی السیواسی ) و خاندانی دہ بو غروب دن ایدی . و ققیہ زیرندہ شاہد « محمود بن مصلح الحافظ » ایشته بوذاتک مخدوم فاضلی ( بدرالدین محمود چلبی ) در .

ایکنجی غروبک غایہ سی ، خلیل بکک امارتی و علیشاہک تقویہ نفودی ایدی . بو مقصد مضمری سلطان التونباشک تقویہ سلطنتی اشاعہ سی سترواخفا ایدیوردی . بونک تفصیلاتی آماسیہ تاریخندہ اوزوندیر . اوچنچی و ققیہ ذیلندہ کی شاہدلر ، ایکنجی و ققیہ شاہدلرندن باشقادر .

عبادہ - آماسیہ امراسندن مشہور کوموشلی زادہ در . خضر - اماسیہ دہ مدرسہ سی اولان اتابک زادہ خضر بک بن الیاس بکدر پدرینک آدی او قونامامشدر . بن ، و ققیہ بو و ققیہ لری مطالعہ ایش و پدرینک ( الیاس ) اولدیغنی او قومشدم . الشیخ احمد بن موسی - آماسیہ دہ مسعودیہ خانقاہی شیخی اولان مشہور ( شمس الدین احمد چلبی ) در .

سلیمان بن احمد - اک شایان دقت بر سپادر . بوذات ، مشہور معین الدین سلیمان پروانہ بک اولادندن امیر کبیر ( علم الدین سلیمان بک ) بن احمد بک بن مہذب الدین مسعود اولوب خلیل بکک رقیب مشہوری ، قوتلو بکک محبی ایدی .

قوتلو بکک ارتخالنده امامسيه ني استيلا ايلديسه ده شادکلدي بکک نفوذی غلبه ايدهرک قدسه فرار واوراده قرار ايتمشدر . الانس الجليل ، بوندن ومخدومی امير زين الدين عمردن خيلي بحث ايدر . بوکا امير ( علم الدين سليمان بن المهذب ) ديمشدر . مخدومی عمر بک ، ۸۰۵ ده امير القدس وناظر الحرم ایدی .

ايکنجی وقفيه نك بالاسنده امامسيه نأبی محمد بن مسعودك تصديقنده شایان دقت برقيد زاردر . اوده حسن فقيهك ادعاسنه قارشى ( واقام الینه عبدالملك على وجه الخصم من عدول المسلمين ) عباره سنك دلالت ايتديكي عبدالملك ، بو وقفيه نك مندرجاتی اثبات ايتمشدر . امامسيه نأبی محمد بن مسعود ، امامسيه قاضی القضاة ضياء الدين مسعود بن اسد الخلاطی مخدومی ( سعد الدين محمد چلبی ) در . عبدالملك - ده سلطان آلتونباشك وقفنه متولی اولان ذاتدر .

آماسيه قاضيسی عبدالرحمن بن محمد المصلحي ، منلابكك ديمكه مشهور فضلا دن ( نظام الدين عبدالرحمن چلبی ) در . امامسيه ده صدر موقر ، يعنى مفتی اولان مصلح الدين موسى بن محمود بن احمد بن امير حسن السيواسی حفيديدر . پدري وجدی اولان مولانا ( جلال الدين عبدالرحمن ) بن شمس الدين محمد بن مصلح الدين موسى ده آماسيه قاضی القضاة ايدير . عماد الدين عمر اولادينه ( آل عماد ) ، بوندره ده ( آل مصلح ) ديمشدر . امامسيه ده بونلرك تربسي وكتابه لاری واردر .

اوچنجی وقفيه بالاسنده « محمود بن محمد المولى بقضاء كده غره » آماسيه قاضيسی منلا بکک برادری اولان ( بدرالدين محمود پاشا ) اولوب ( شيخ پاشا ) ديمكه مشهور ایدی . مشهور قاضي مسكر ( منلا ولدان محمد بن بکک ) ايشنه بو منلا بکک ديمكه مشهور عبدالرحمن افندي نك مخدومی ایدی . صدر اسبق ( نائلی عمده پاشا ) ده منلا بکک احفادنن اولديغی ، پدري قاضی زاده خليل آذانك عبدالرحمن چلبی وقفنه متولی اولماسندن آكلاشيلمشدر . اوچنجی وقفيه بالاسنده « وانا الحقير رجب بن افشار المولى خلافة » عباره سنك اشاغیسی ( بقضاء حوضه ) ایدی فقط او قویا مامشاردر . آماسيه نارينخنده و قتيله اوتويوب يازديغيم جهته علاوه ايندم . رجب بن افشار كبار علمادن اولوب امامسيه امير کبيری ( فخرالدين احمد چلبی پاشا ) بن سيف الدين شادکلدي سلطان ييلديرم بايزيد خانه عرض اتقياد ايتديكي زمان اوقاف مفتشی اولمشدی . حوضه قضاسی نأبی ایدی .

سلطان، التونباشك اولادى واحفادى چوقدى . بونلر صوكرادن باشليجه اوچ سالاھيه آيريمشدى . برنجيسى (ايل ارسلان) اولادى ايدى . اماسيه جوارنده اليوم ايل ارسلان ناحيه سى ديمكه مشهور اولان ناحيه ده اقامت ايتشلردى . سلطان سليم خان اولك والده سى (عايشه خاتون سلطان) بونلردندر . طربزون واليسى (خيرالدين خضر پاشا) قونيه بلكر بكيسى (حسن پاشا) ده بونلردندر .

ايكنجيسى (فيايچ ارسلان) اولادى ايدى . قيليچ ارسلان بك، صورت مترجه سى تاريخ انجمنى مجموعه سنده نشر ايديلن (بزم و رزم) ده مذكور اولديني اوزره امير كبير بابا زاده على شاه مخدومى (حاجى ابراهيم بك) دن صوكراسيوا سى اميرى اولمشدى . ۸۷۲ ده قاضى برهان الدين احمدك غدريه مقتول اولدى . اوچنجيسى (كيقباد) اولادى ايدى . بونلر سمره لادقده اقامت ايدوب (قباد اوغللى) ديمكه مشهور اولشلردر . بونلر عدوا كبرى كوپريده اقامت ايدن (طاشان اوغللى) ايدى . چلبى سلطان محمد، طاشان اوغللىنى حمايه ايدوب قباد اوغللىنى ازديردى . بوسورتله هرايكي خاندانى ده كنديسنه اطاعت ايتديردى . آماسيه تاريخنده بونلر ك وقايى و تراجمى واردر .

مسين مسام المير

